

POLELO YA PHATLATŠO YA DITABA YA SARS

Tshwane, 2 Agosetose 2023 - Ditirelo tša Motšhelo tša Afrika Borwa (SARS) di lemogile polelo yeo e dirilwego ke Mrn. Julius Malema go phethagatšo ya khonferense ya moragorago ya baphatlalatši ba ditaba ya Economic Freedom Fighters (EFF). Polelo e tlhalosa gore go bile le kopano magareng ga Mopresidente Cyril Ramaphosa le Khomišinare wa SARS Mrn. Edward Kieswetter fao Mopresidente Ramaphosa a filego Khomišinare Kieswetter taetšo ya go nyakišiša merero ya motšhelo ya bao ba tsenetšego le go fana ka thekgo ya ditšhelete go Kopano ya mokete ya Letena ya EFF yeo e bego e swerwe ka la 27 Julae 2023.

Polelo ya lehono e hlatsilwa pele ke polelo yeo e dirilwego ke Mrn. Malema ka Mokibelo ka kopano kgothe kgothe ya EFF gore SARS e “tlhagiša” lapa la gagwe ka tebelelo ya go hwetša sengwe seo se sego molaong kgatlhanong le yena ka morero wa go mo tlontlolla.

SARS ga e šome bjalo, bjale ka setlwaedi, go dira ditshwayotshwayo ka ga mebolelwana yeo e dirilwego ka ga yona mererong ya dipolelo tša mekgatlo ya dipolotiki. SARS le ge go le bjalo, e gapeletšega go fetola ka go fana polelo mo mabakeng a ma bjale. SARS e tloga e itatola kudu gape e a latola gore ga se nke go be le kopano magareng ga Mopresidente Ramaphosa le Khomišinare Kieswetter.

Khomišinare Kieswetter makga a mmalwa gape o boletše tsebe go kwa gore ge eba mohlomongwe go bile le khuetšo mpe mošomong wa gagwe, goba ge eba a ka fiwa keletšo yeo e sego molaong ke radipolotiki ofe goba ofe, a ka rola modiro le semetsing, go na le gore a nyatše boikano bja gagwe bja mošomo wa ofisi ya gagwe yeo a e šomelago. Khomišinare Kieswetter o šomile ka thata go agaleswa seriti sa SARS morago ga ge e ile ya šarakantšhwa ke bathotsoko ka maikemišetšo a go tšwelapele ka go senya ka maleatlala a go Thopšwa ga Mmušo. Ka fao o tla šoma ka maatla go šireletša mošomo o mo botse wa bašomi ba SARS ba go feta 12 500 go na le go latediša dikgopelo tšeo di sego molaong. Gape ka makga a mmalwa o ipileditše ka kgalemo go mošomi ofe goba ofe wa SARS yo a ka lekago go tšea ditaetšo goba a menetšana le molefela motšhelo ofe goba ofe ka go tshela molao gape a ka itemogela go rakwa mošomong.

SARS e rata go gopotša badudi ka moka bam o nageng bao ba obamelago melao ka ga karolo e bohlokwa yeo e tšeago ke taolelo ya koleka ya ditseno mererong ya naga ka go koleka ditseno tša go aga Mmušo wa phethagalo go kgona go šomana le ditlhotlho tše dikgolo tša bohloki, hlokego ya mešomo go hloka tekatekano le go tšwetšapele maemo a maphelo a Mafrika Borwa ka moka. Ka fao go bohlokwa gore Mafrika Borwa ka moka ba ikgogele morago go senya seriti sa setheo se se bohlokwa seo se šomago ka tsitsinkeko go thekga le go tšwetšapele temokrasi ya rena. SARS e phethagatša mošomo wa yona go ya ka molao, ntle le go fiega, kgaogelo goba. Leloko lefe goba lefe la setšhaba leo le ka lemogago mošomi wa SARS yo a tloago molao le kgopelwa go bega se go mogala wa SARS pego ya thibelo ya bomenetša goba thwii go Ofisi ya Khomišinare go ooc@sars.gov.za.

Bakeng sa kgatelopele ya bokamoso bja naga ya rena, go tloga go le bohlokwa kudu gore ditheo tšeo di direlago badudi ba mo nageng gape tšeo di filwego filwego tagafara

ya molaotheo, di tlogelwe ka go lokologa go tšwelapele ka mešomo ya tšona nle le tlhobaetšo ya boradipolotiki.

Go hwetša tshedimošo enngwe, ka kgopelo ikgokaganye le SARS go SARSMedia@sars.gov.za